

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Rješenje

**po Prijavi namjere koncentracije privrednog subjekta IEIL Japan i privrednog subjekta
Arysta Lifescience Corporaciona, Japan**

**Sarajevo
Decembar 2007. godine**



Broj: 01-06-26-037-9-II/07
Sarajevo, 27. decembra 2007. godine

Na osnovu člana 25. stav (1) tačka e), člana 42. stav (1) tačka d) i člana 43 stav (2), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», broj 48/05 i 76/07) a po Prijavi namjere koncentracije privrednog subjekta IEIL (Industrial Equity Investment) Japan Co., LTD, TY Building, 22-18 Minami-Aoyama, 7th Floor Minato-ku, Tokyo, Japan (u daljem tekstu: podnosilac Prijave ili IEIL Japan), i privrednog subjekta Arysta LifeScience Corporation, 38/39th Floor, St. Luke's Tower, 8-1 Akashi-Cho, Chuo-Ku, Tokyo 104-6591, Japan, podnesenu po advokatu Seadu Miljkoviću, Fra Anđela Zvizdovića 1, 71000 Sarajevo, dana 29. oktobra 2007. godine broj: 01-06-26-037-II/07, Konkurencijsko vijeće, na 57. (pedesetsedmoj) sjednici održanoj dana 27. decembra 2007. godine, je donijelo

R J E Š E N J E

1. Ocjenuje se dopuštenom koncentracija na tržištu prodaje herbicida u Bosni i Hercegovini koja nastaje sticanjem kontrole privrednog subjekta Industrial Equity Investment Limited Co., LTD, TY Building, 22-18 Minami-Aoyama, 7th Floor Minato-ku, Tokyo, Japan, nad privrednim subjektom Arysta LifeScience Corporation, 38/39th Floor, St. Luke's Tower, 8-1 Akashi-Cho, Chuo-Ku, Tokyo 104-6591, Japan.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo Prijavu namjere koncentracije (u daljem tekstu: Prijava) sticanja kontrole, kupovinom svih dionica, privrednog subjekta Industrial Equity Investment Limited Co., LTD, TY Building, 22-18 Minami-Aoyama, 7th Floor Minato-ku, Tokyo, Japan (u daljem tekstu: podnosilac Prijave ili IEIL Japan), nad privrednim subjektom Arysta LifeScience Corporation, 38/39th Floor, St. Luke's Tower, 8-1 Akashi-Cho, Chuo-Ku, Tokyo 104-6591, Japan (u daljem tekstu: Arysta LifeScience), podnesenu po advokatu Seadu Miljkoviću (specijalna punomoć data dana 07. novembra 2007. godine), Fra Anđela Zvizdovića 1, 71000 Sarajevo, dana 29. oktobra 2007. godine broj: 01-06-26-037-II/07.

Uvidom u podnesenu Prijavu utvrđeno je da nije potpuna i kompletna, u smislu člana 30. stav (1) Zakona o konkurenciji («Službeni glasnik BiH», br. 48/05 i 76/07) (u daljem tekstu Zakona) i čl. 8., 9. i 10. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 95/06) te je u skladu sa članom 31. istoga Zakona Konkurencijsko vijeće zatražilo dopunu iste (akt broj: 01-06-26-037-1-II/07 dana 15. novembra 2007. godine; akt broj: 01-06-26-037-3-II/07 dana 28. novembra 2007. godine i akt broj: 01-06-26-037-5-II/07 dana 03. decembra 2007. godine).

Podnosilac Prijave u skladu sa zahtjevima Konkurencijskog vijeća dopunio je Prijavu nedostajućom dokumentacijom (akt broj: 01-06-26-037-2-II/07 dana 27. novembra 2007. godine; akt broj: 01-06-26-037-4-II/07 dana 28. novembra 2007. godine i akt broj: 01-06-26-037-6-II/07 dana 12. decembra 2007. godine).

Po prijemu tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 14. decembra 2007. godine broj: 01-01-26-037-7-II/07.

Konkurencijsko vijeće u postupku ocjene predmetne koncentracije je utvrdilo sljedeće činjenice:

Podnosilac Prijave je naveo da će predmetna koncentracija biti prijavljena Generalnoj direkciji za konkurenciju Evropske komisije ili alternativno nacionalnim konkurencijskim tijelima u određenom broju zemalja članica Evropske unije, kao i tijelima za konkurenciju Sjedinjenih Američkih Država, Južne Koreje, Meksika, Rusije, Južne Afrike i Ukrajine. Nadležno tijelo za konkurenciju Sjedinjenih Američkih Država donijelo je pozitivnu odluku po predmetnoj koncentraciji.

Konkurencijsko vijeće je utvrdilo da je Prijava podnesena u vremenskom roku od 8 (osam) dana od zaključivanja Ugovora o prodaji /kupovini privrednog subjekta Arysta LifeScience od privrednog subjekta IEIL Japan, u smislu člana 16. stav (1) Zakona, te se ista smatra podnesenom u Zakonom predviđenom vremenskom roku.

1. Obaveza prijave namjere koncentracije

Prema podacima iz Prijave ukupni godišnji prihodi privrednih subjekata sudionika koncentracije, na dan 31. decembra 2006. godine, iznose:

Tabela 1.

	Permira Holdings Limited		Arysta LifeScience	
	KM	EUR	KM	EUR
Svijet	(..)** ¹	(..)**	(..)**	(..)**
Bosna i Hercegovina	17.779.252,00	9.090.387,20	170.700,93	87.278,00

Budući da, u smislu člana 14. stav (1) tačka a) Zakona, privredni subjekti sudionici koncentracije (Tabela 1.) su ispunili uslov da ukupan zajednički godišnji prihodi iznosi preko 100.000.000,00 KM, po završnom računu u godini koja je prethodila predmetnoj koncentraciji i da najmanje jedan privredni subjekt sudionik koncentracije je registrovan na teritoriji Bosne i Hercegovine, isti su obavezni podnijeti Prijavu.

Ukupan godišnji prihod privrednog subjekta Permira Holdings Limited u 2006. godini u Bosni i Hercegovini iznosi ukupno 17.779.252,00 KM i ostvaren je preko subsidijarnog privrednog subjekta Agrokomplex Nutrition d.o.o., Gračanica u iznosu od (..)** KM, dok razlika u prihodu u iznosu od (..)** KM je ostvarena prodajom proizvoda iz asortimana tri subsidijarna društava u vlasništvu privrednog subjekta Permira Holdings Limited (privredni subjekt Provimi je osvario ukupan prihod (..)** KM, privredni subjekt Cognis (..)** KM te privredni subjekt BorshodChem (..)** KM).

¹(..)**- Podaci predstavljaju poslovnu tajnu, u smislu člana 38. Zakona o konkurenciji

2. Pravni osnov i oblik predmetne koncentracije

Pravni osnov predmetne koncentraciju je Ugovor o prodaji /kupovini privrednog subjekta Arysta LifeScience Corporation između Prodavca (privredni subjekti: Olympus ALC Holding (DBJ) L.P.; Olympus ALC Co-Borrower No. 1, L.P.; Olympus ALC Co-Borrower No. 2, L.P.; Olympus ALC Co-Borrower No. 3, L.P.; ALC Investment Co-Borrower, L.P, LB Star Investment; Olympus ALC Holding L.P.; Olympus ALC Holding (USD), L.P.; Olympus ALC Holding (OCA 2), L.P) koje zastupa privredni subjekt Olympus Alc Holdings (USD), L.P. c/o M&C Corporate Services Limited, Ugland House, poštanski pretinac 309, Veliki Kajman, Kajmanska ostrva (zastupnik Prodavca) i privrednog subjekta IEIL Japan Co., Ltd (Kupac), zaključen dana 21. oktobra 2007. godine.

Namjeravanu transakciju će provesti privredni subjekt IEIL Japan, subsidijarno društvo u 100,0%, vlasništvu privrednog subjekta Industrial Equity Investments Limited, Republika Irska, koji je pod (indirektnom) kontrolom komanditnog društva Limited Partnership Permira IV LP2, koji je kontrolisan od strane Permira Holdings Limited. Ugovorena kupo-prodajna cijena za ovu transakciju iznosi ukupno 3,8 milijardi KM (oko 2,2 milijardi USD ili 250 milijardi japanskih jena) a datum zaključenja izvršenja je utvrđen u točki 5. predmetnog Ugovora do februara 2008. godine.

U skladu sa članom 12. stav (1) tačka b) Zakona, pravni oblik ove koncentracije je sticanje kontrole ili dominantnog uticaja jednog ili više privrednih društava nad drugim privrednim društvom, tj. više privrednih društava ili nad dijelom drugog privrednog društva ili dijelovima drugih privrednih društava putem sticanja većinskog broja dionica ili udioa u osnovnom kapitalu.

3. Sudionici predmetne koncentracije

Sudionici predmetne koncentracije su privredni subjekt Industrial Equity Investment Limited Co., LTD, TY Building, 22-18 Minami-Aoyama, 7th Floor Minato-ku, Tokyo, Japan, i privredni subjekt Arysta LifeScience Corporation, 38/39th Floor, St. Luke's Tower, 8-1 Akashi-Cho, Chuo-Ku, Tokyo 104-6591, Japan.

3.1. Privredni subjekt IEIL Japan

Privredni subjekt Industrial Equity Investment Limited Co., LTD, TY Building, 22-18 Minami-Aoyama, 7th Floor Minato-ku, Tokyo, Japan, holding društvo, registrovan pod brojem: 0104-01-072116 dana 02. oktobra 2007. godine, je isključivo osnovano u svrhu provođenja namjeravane koncentracije. Privredni subjekt IEIL Japan u vlasništvu je privrednog subjekta Industrial Equity Investments Limited, Georges Court, 54-62 Townsend Street, Dublin 2, Republika Irska (u daljem tekstu: IEIL Irska).

Privredni subjekt IEIL Irska, privatno investiciono društvo, registrovan pod brojem: 410477 u 2005. godini, indirektno je kontrolisano od strane komanditnog društva Limited Partnership Permira IV LP2, Trafalgar Court, Les Banques, St Peter Port, Guernsey, GY 6DJ (u daljem tekstu: Permira IV LP2) koje zajedno sa komanditnim društvom Limited Partnership Permira IV LP1 Trafalgar Court, Les Banques, St Peter Port, Guernsey, GY 6DJ (u daljem tekstu: Permira IV LP1) čini Fond Permira IV (Trafalgar Court, Les Banques, St Peter Port, Guernsey, GY 6DJ (u daljem tekstu: Permira IV Fond) kojeg kontroliše privredni subjekt Permira Holdings Limited, Trafalgar Court, Les Banques, St. Peter Port, Guernsey (zavisni teritorija Velike Britanije u normandijskom dijelu kanala La Manche), GY1 3QL (u daljem tekstu: PHL).

Privredni subjekt PHL, i subsidijarna društva u njegovom vlasništvu, djeluje u velikom broju različitih oblasti: proizvodnji specijalnih hemikalija, hemikalija upotrebljivih u proizvodnji poluproizvoda od plastike, proizvodnji gotovih proizvoda od PVC-a, proizvodnji hrane i lijekova za životinje, proizvodnji lične zaštitne opreme, zamrznute hrane, odjeće i obuće, kozmetičkog pribora i parfema, finansijskih usluga i osiguranja, u oblasti TV medija, mobilnih telekomunikacijskih usluga, zračnom prevozu putnika, hotelskim i restoranskim usluga, trgovini na veliko i malo različitom luksuznom robom itd.

Privredni subjekt PHL ima subsidijarna gospodarska društva u velikom broju zemalja i to: Australiji, Sjedinjenim Američkim Državama, Meksiku, Brazilu, zemljama Evrope (Francuska, Bugarska, Španija, Velika Britanija, Holandija, Rusija, Poljska, Mađarska, Ukrajina, Švajcarska, Italija, Portugal, Češka Republika, Njemačka, Irska, Slovačka Republika, Danska, Makedonija, Grčka, Norveška, Rumunija itd), Azije (Kina, Vijetnam, Indija itd), Afrika (Južna Afrika, Jordan) te Južne Amerike (Brazil, Argentina itd).

3.2. Privredni subjekti na tržištu Bosne i Hercegovine

Privredni subjekt Agrokomplex Nutrition d.o.o., 75320 Gračanica, Brčanska Malta bb, Bosna i Hercegovine (u daljem tekstu: Agrokomplex Nutrition Gračanica) upisan u sudski registar Opštinskog suda Tuzla, pod brojem: 1-11946, dana 15. marta 2000. godine, osnivač privredni subjekt Agrokomplex C.S. Feed Producer and Distributor Closed Corporation, 8112 Zichyujfalu, Kastelykert 2, Republika Mađarska sa osnivačkim kapitalom u novcu u iznosu (..)** KM.

Privredni subjekt PHL preko subsidijarnog društva Provimi S.A, 9-11, avenue Arago, 78190 Trappes, Republika Francuska (u daljem tekstu: Provimi), 100,0% je vlasnik privrednog subjekta Agrokomplex Nutrition Gračanica.

Osnovne djelatnosti privrednog subjekt Agrokomplex Nutrition Gračanica su uzgajanje goveda, ovaca, koza, svinja, peradi, pčela, proizvodnja stočne hrane, hrane za kućne ljubimce, proizvodnja prehrambenih proizvoda, trgovina na veliko žitaricama, živom stokom, mesom, hemijskim proizvodima, prevoz robe i slično. Također, privredni subjekt Agrokomplex Nutrition Gračanica distribuira i prodaje iz proizvodnog asortimana privrednog subjekta Provimi (biljne sastojke hrane - soja, kukuruz, razne mješavine hrane te gotove hranu i proizvode za stoku i ostale životinja).

Privredni subjekt PHL, pored subsidijarnog privrednog društva Agropkomplex Nutrition Gračanica, nema u vlasništvu (pojedinačno ili zajedno) 10,0% ili više udjela u osnovnom kapitalu, ili 10,0% ili više glasačkih prava u nekom drugom privrednom subjektu u Bosni i Hercegovini.

Privredni subjekt Cognis Deutschland GmbH & Co. KG, Rheinpromenade 1, 40789 Monheim am Rhein, Savezna Republika Njemačka, i privredni subjekt BorsodChem Nyrt, 3702 Kazincbarcika, Bolyai ter 1, Republika Mađarska (oba subsidijarna društva privrednog subjekta PHL)

Privredni subjekt Cognis na tržištu Bosne i Hercegovine ostvaruje prihode prodajom proizvoda iz proizvodne linije «sastojci hrane», hemijskih proizvoda i sirovina za osobnu higijene i kućne sanitarije, dok privredni subjekt BorsodChem ostvaruje prihode prodajom proizvoda TDI (Toluol Diizocijanat), natrijev hidroksida (kaustičnu sodu), otopina hidroklorne kiseline i natrij-hipoklorita, PVC granule itd. Prodaja proizvoda se vrši direktno preko agenata ili distributivne mreže.

Privredni subjekt BorsodChem u Bosni i Hercegovini svoje proizvode prodaje preko privrednog subjekta Organika BH d.o.o., Mehmed Paše Sokolovića b.b., 71000 Sarajevo, privrednog subjekta Cetag (CE OIL Trading GmbH, 1010 Beč, Tegetthoffstrasse 7) privrednog subjekta Plama Pur BH

d.o.o., Bjelavići b.b., Kakanj, privrednog subjekta Poly d.o.o. Hajdarovac bb, Gračanica, privrednog subjekta Hemija Patenting d.o.o. Lukavac privrednog subjekta Kemokop d.o.o. Tuzla te direktno Fabriци glinice Birač, d.d. Zvornik.

Privredni subjekt Arysta LifeScience

Privredni subjekt Arysta LifeScience Corporation, 38/39th Floor, St. Luke's Tower, 8-1 Akashi-Cho, Chuo-Ku, Tokyo 104-6591, Japan, evidentiran u Registru privrednih društava pod brojem: 0199-01-074305, nastao je podjelom i spajanjem privrednog društava Tomen Corporation (Tomen), Tokijo, Japan i privrednog društva Nichimen Corporation (Nichimen), Tokijo, Japan, u februaru 2001. godine. Nakon toga privredni subjekt Olympus Capital Holdings Asia izvršio je investiciono ulaganje u novembru 2002. godine, nakon čega je Olympus Skupina (odnosno pojedinačni privredni subjekti: Olympus ALC Holding (DBJ) L.P.; Olympus ALC Co-Borrower No. 1, L.P.; Olympus ALC Co-Borrower No. 2, L.P.; Olympus ALC Co-Borrower No. 3, L.P.; ALC Investment Co-Borrower, L.P, LB Star Investment; Olympus ALC Holding L.P.; Olympus ALC Holding (USD), L.P.; Olympus ALC Holding (OCA 2), L.P.; i Olympus ALC Holding (DBJ), L.P.) postala 100,0% vlasnik privrednog subjekta Arysta LifeScience.

Osnovne djelatnosti privrednog subjekta Arysta LifeScience su usmjerene na područje:

- Distribucije, prodaje, razvoja proizvoda za zaštitu usjeva (herbicidi, insekticidi, fungicidi i regulatora rasta) što predstavlja 92,0% poslovanja; i
- razvoj i marketing proizvoda za zaštitu zdravlja životinja (lijekovi i prehrambeni aditivi) i funkcionalne hemikalije - hemijski sastojci za farmaceutske proizvode, kozmetiku i nutritivne proizvode.

Privredni subjekt ArystaLifeScience ima subsidijarna društva u zemljama Južne Amerike (Čile, Kolumbija, Bolivija, Peru, Paragvaj, Venecuela, Brazil, Bolivija, Argentina itd), Afrike (Mozambik, Kenija, Tanzanija, Mali, Egipat, Gana, Južna Afrika), Evrope (Belgija, Francuska, Češka Republika, Portugal, Grčka, Rusija, Francuska itd), Azije (Indonezija, Filipini, Kina, Japan, Vijetnam, Pakistan itd) te Sjedinjenim Američkim Državama, Kanadi itd.

Proizvodi privrednog subjekta Arysta LifeScien u Evropi, se distribuiraju se preko privrednog subjekta Arysta LifeScience Evrope, Africa & Middle East, dok u Bosni i Hercegovini proizvodi se distribuiraju preko privrednog subjekta Arysta LifeScience Francuska (Route d'Artix - BP 80, 64150 Noguères, Republika Francuska, identifikacioni broj: R.C.S. PAU 330 129 842 – No. Uprave 92 B 419 od dana 10. rujna 1992. godine) preko privrednog subjekta Sjemenarna d.o.o. Konjuši bb, 88000 Mostar, koji je vodeći distributer sjemenske robe, sredstava za zaštitu bilja, hrane i opreme za kućne ljubimce.

Prema podacima iz Prijave privredni subjekt Arysta LifeScience u vlasništvu nema (pojedinačno ili zajedno) vlasničke udjele (10,0% ili više udjela) u osnovnom kapitalu u nekom privrednom subjektu u Bosni i Hercegovini.

4. Relevantno tržište predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda /usluga koje su predmet obavljanja djelatnosti na određenom geografskom tržištu.

Relevantno tržište proizvoda predmetne koncentraciji je tržište prodaje herbicida.

Relevantno geografsko tržište predmetne koncentracije je teritorija Bosne i Hercegovine budući da sudionici predmetne koncentracije djeluju na istome.

Prema navedenom, pod relevantnim tržištem predmetne koncentraciji podrazumjeva se tržište prodaje herbicida na cijeloj teritoriji Bosne i Hercegovine.

Konkurencijsko vijeće je utvrdilo da privredni subjekt PHL na tržištu Bosne i Hercegovine ne ostvaruje prihode na relevantnom tržištu prodaje herbicida, dok privredni subjekt Arysta LifeScience ostvaruje prihod isključivo na tržištu prodaje herbicida (glifosat /komercijalni naziv Cosmic), te ne postoji horizontalno preklapanje između sudionika predmetne koncentracije u Bosni i Hercegovini.

4.1. Analiza relevantnog tržišta

Tržišni udio sudionika koncentracije i konkurenata, na relevantnom tržištu prodaje herbicida na svjetskom nivou i u Bosni i Hercegovini, na dan 31. decembra 2006. godine, iznose:

Tabela 2.

Rb	Proizvođač	Bosna i Hercegovina		Svijet	
		Vrijednost KM	Tržišni udio	Vrijednost KM	Tržišni udio
1.	BASF - Njemačka	7.507.348,00	25,31%	218.4867.500,00	9,30%
2.	Syngenta - Švajcarska	6.131.956,00	20,68%	3.800.953.100,00	16,18%
3.	Herbos -Hrvatska	5.931.378,00	20,00%	-	-
4.	Monsanto - SAD	1.934.145,00	6,52%	4.421.312.200,00	18,82%
5.	Bayer CropScience - Njemačka	1.805.202,00	6,09%	3.160.536.200,00	13,45%
6.	Makhteshim-Agan - Izrael	1.060.198,00	3,57%	1.196.304.500,00	5,09%
7.	Dow AgroSciences - SAD	703.310,00	2,37%	2.757.947.500,00	11,74%
8.	Chromos Agro -Hrvatska	429.810,00	1,45%	-	-
9.	Stockton Chemicals -Švedska	315.194,00	1,06%	-	-
10.	Willowood - SAD.	243.559,00	0,82%	-	-
11.	DuPont- SAD	200.578,00	0,68%	2.020.107.000,00	8,60%
12.	Pliva - Republika Hrvatska	171.924,00	0,58%	-	-
13.	Arysta LifeScience -Japan	170.700,93	0,58%	647.580.400,00	2,76%
14.	Nufarm - Australija	28.654,00	0,10%	1.525.825.500,00	6,49%
15.	Pinus TKI - Slovenija	14.327,00	0,05%	-	-
16.	Sumitomo - Japan	-	-	531.531.700,00	2,26%
16.	FMC-SAD	-	-	373.934.700,00	1,59%
18.	Cheminova - Danska	-	-	355.309.600,00	1,51%
19.	Chemtura - SAD	-	-	100.289.000,00	0,43%
20.	Sipcam -Italija	-	-	193.414.500,00	0,82%
	Ostali	3.008.670,00	10,14%	225.578.041,92	0,96%
	UKUPNO	29.656.953,00	100,0%	23.497.712.700,00	100,0%

Tržišni udio privrednog subjekta Arysta LifeScience na relevantnom tržištu u Bosni i Hercegovini iznosi oko 0,58%. Najvažniji tržišni konkurenti na relevantnom tržištu u Bosni i Hercegovini su privredni subjekt BASF sa tržišnim udjelom od 25,32%, privredni subjekt Syngenta sa tržišnim udjelom od 20,68%, privredni subjekt Herbos sa tržišnim udjelom od 20,0% te šest konkurenata sa tržišnim udjelom između 1,0% do 10,0%.

Tržišni udio privrednih subjekata koji djeluju na relevantnom tržištu (Tablice 2.) Bosne i Hercegovine pokazuju da je tržište fragmentirano i da postoji značajna tržišna konkurencija te da spada u srednje koncentrirana tržišta.

Na svjetskom nivou na tržištu pesticida i agrohemijskih proizvoda nastavlja se trend kontinuiranog vertikalnog integrisanja /povezivanja privrednih subjekata, u koji spada i ova koncentracija s ciljem povećanja kvaliteta proizvodnje, smanjenja cijena proizvodnje i distribucije, povećanje ulaganja u razvoj te unapređenje zaštite okoliša i stanovništva.

5. Procjena efekata predmetne koncentracije

Predmetna koncentracija je ex-teritorijalna budući da privredni subjekt PHL i privredni subjekt Arysta LifeScience djeluju na svjetskom nivou te da ista ima učinak na tržištu Bosne i Hercegovine izravno preko djelovanja registrovanog subsidiarnog privrednog subjekta Agropkomplex Nutrition Gračanica te indirektno prodajom proizvoda iz asortimana sudionika predmetne koncentracije.

Konkurencijsko vijeće je analiziralo efekte predmetne koncentracije na relevantnom tržištu na strukturu relevantnog tržišta, na stvarne i potencijalne konkurente, trendove ponude i potražnje relevantnih proizvoda, u smislu člana 17. Zakona, te je utvrdilo da predmetna koncentracija neće sprečavati, ograničavati ili narušavati tržišnu konkurenciju na relevantnom tržištu.

Konkurencijsko vijeće analizom relevantnih podataka je ocijenilo da provođenjem namjeravane koncentracije neće doći do promjene tržišnih udjela na relevantnom tržištu u Bosni i Hercegovini.

Prema navedenim podacima i činjenicama Konkurencijsko vijeće je odlučilo kao u dispozitivu ovoga Rješenja.

6. Administrativna taksa

Na ovo Rješenje podnosilac Prijave, u skladu sa članom 2 stav (1) tarifni broj 107 tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovoga Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

Predsjednik

Sanja Božić